

Inzko se sastao sa Komšićem: Izbori nisu izgovor za nedostatak napretka



Visoki predstavnik i specijalni predstavnik EU Valentin Inzko razgovarao je danas u Sarajevu sa predsjedavajućim Predsjedništva Bosne i Hercegovine Željkom Komšićem o trenutnoj političkoj situaciji u BiH.

Inzko je naglasio da predstojeći opšti izbori ne smiju biti izgovor za nedostatak napretka u donošenju i provođenju reformi potrebnih za daljnji napredak u procesu evropskih integracija.

Govoreći o viznoj liberalizaciji, Inzko je pozdravio odlučnost bosanskohercegovačkih vlasti da ispune sve preostale uvjete kako bi građani BiH mogli putovati bez viza u zemlje članice EU koje su dio tzv. šengenskog prostora.

„Naredne sedmice će biti ključne za liberalizaciju viznog režima i ukoliko se nastave provoditi dogovorene reforme, postoji realna šansa da EU do ovog ljeta doneće odluku o stavljanju BiH na bijelu šengensku listu“, naglasio je Inzko.